

# Lesoni 6: Dau valu ena Masu

## A. Vei lesoni ena masu mai vei Taniela

1. Na cava soti e so na I Talanoa ka kilai levu ena I Vola Tabu me baleti Taniela?
2. Kevaka ko wilika na I Vola nei Taniela, o na raica ni o Taniela e dua na dau valu ena masu. Na cava e cakava o Taniela ki na lewa nei Nepukanesa me ra vakamatei kece na tamata vuku e Papiloni? Taniela 2:17-23
3. Na cava eda vulica rawa me baleta na bula ni masu nei Taniela ni da raica na veika e cakava ena nona sa raica rawa na I lawaki ka sa buki vua ena gauna ni veiliutaki nei Taraiase na tui Metia? Taniela 6:4-10
4. O Taniela e tekiduru ni masu. Taniela 6:10. E dodonu beka meda vakadamurimuri koya? Luke 22:41, Cakacaka 7:60, 9:40, 20:36, Same 95:6, etc.
5. E na ciqoma beka na Kalou e so tale nai vukivuki ni masu? (2 Veigauna 20:5-6, Luke 18:11,13, Vakatakila 4:9-11, Vakarua 9:25, 1 Cesalonaika 5:17, etc.

## B. Veilesoni ena masu mai vei Inoki

1. Juta 14-15 O Inoki e parofita ni Kalou.
2. Vakatekivu 5:22-24 Na lesoni cava eda vulica rawa mai na I tukutuku lekaleka oqo kei Inoki?
3. O Atama e sa se bula tiko sa sucu ko Inoki. Na cava beka eso na ka e a vulica rawa ko Inoki me baleta na masu kei na veiwekani kei na Kalou mai vua na tamana ko Atama?

## C. Veilesoni ena masu mai vei Mosese

1. Lako Yani 33:7-11,12-23 Na lesoni cava eda vulica rawa me baleta na masu ena nodrau veitalanoa oqo ko Mosese kei na Kalou?
2. Na lesoni cava eda vulica ena masu nei Mosese me baleta na ganena ko Miriama? Tiko Voli main a Lekutu 12:13 (Raica talega na Maciu 5:44)
3. Na lesoni cava eda vulica ena masu nei Mosese ni oti na nodra qarava na bulumakau koula na nona tamata ena ulunivanua e Sinai? Lako Yani 32:31-32
4. Na cava eda vulica rawa me baleta na masu main a masu tale eso nei Mosese? Lako Yani 15:24-25, 17:4, Vakarua 9:22-29, etc.

## D. Na veilesoni ena masu mai vei Ana

1. 1 Samuela 1:9-15 Na cava na nomu nanuma me baleta na titobu ni masu nei Ana?
2. Na cava eda vulica rawa mai na masu nei Ana ka volai ena 1 Samuela 2:1-10? (raica talega na Efeso 6:18)
3. 1 Samuela 2:19 Na cava na nomu nanuma e kitaka tiko o Ana ena nona talia tiko edua na nona kote na luvena tagane?
4. Na cava na I sema e koto ena masu nei Ana me baleta na luvena tagane kei na nona veiqaravi yalodina vaka pariofita ni Kalou? 1 Samuela 1:27-28.